

(23 Januari 2021) Harian Metro, p. 10



ANGGOTA Jabatan Bomba dan Penyelamat Malaysia (JBPM) Negeri Sembilan melakukan sanitasi di pekarangan Kompleks Mahkamah Seremban berikutan terdapat 16 orang kena tahan (OKT) yang dibawa ke mahkamah tersebut disahkan positif Covid-19, kelmarin.



ANGGOTA polis memeriksa setiap kenderaan yang melalui sekatan jalan raya (SJR) susulan pelaksanaan Perintah Kawalan Pergerakan (PKP) di Jalan Kuala Kangsar, awal pagi semalam.



ORANG ramai mematuhi prosedur operasi standard (SOP) dengan memakai pelitup muka ketika membeli barangan keperluan asas semasa tinjauan susulan Perintah Kawalan Pergerakan (PKP) 2.0 di Pasar Chow Kit, semalam.





PASAR PAYANG SEPI

KEADAAN kedai pakaian berasaskan batik di Pasar Besar Kedai Payang ditutup berikutan pelaksanaan Perintah Kawalan Pergerakan (PKP) di Terengganu, semalam. Terengganu berada di bawah pelaksanaan PKP bermula semalam hingga 4 Februari depan bertujuan bagi mengekang penularan Covid-19.



DERETAN teksi yang menunggu pelanggan di Hentian Bas dan Teksi Terminal One di Seremban ketika tinjauan aktiviti harian penduduk, semalam. Aktiviti harian penduduk di Seremban kelihatan seperti biasa walaupun ketika tempoh pelaksanaan Perintah Kawalan Pergerakan (PKP).

(23 Januari 2021) Harian Metro, p. 11



JASMAN Sofian, 76, (kanan) kelihatan sedang menunggu pelanggan untuk membaiki kasut. Walaupun terkesan Perintah Kawalan Pergerakan (PKP) dilaksanakan, dia tetap meneruskan perniagaannya yang sudah berusia 45 tahun ketika tinjauan di sekitar Jalan Tunku Abdul Rahman, semalam.



PETUGAS Jabatan Kesihatan dan Alam Sekitar Dewan Bandaraya Kuala Lumpur (DBKL) menjalankan proses penyahkuman atau disinfeksi ketika Operasi Sanitasi Awam C19 di sekitar ibu kota, semalam.



ANGGOTA Rela mengawal sekitar Pasar Gunung Rapat ketika tinjauan pemantauan orang awam terhadap prosedur operasi standard (SOP) Perintah Kawalan Pergerakan (PKP), semalam. Perak berada di bawah pelaksanaan PKP bermula semalam sehingga 4 Februari 2021.



ANGGOTA polis dan Angkatan Tentera Malaysia (ATM) membuat sekatan jalan raya berikutan pelaksanaan Perintah Kawalan Pergerakan (PKP) di Pahang di Tol Kuantan, awal pagi semalam. Pahang akan berada di bawah pelaksanaan PKP bermula 22 Januari hingga 4 Februari 2021.